

Ներքին ներկայացուցիչները: Ք. Հ. Արաքիսի, Մ. Վ. Գաբաշվիլու (Քրիլիսի), Ի. Գ. Կուլիև-յի և Ռ. Ք. Հուսեյնովի (Բաբու) ղեկուցում-ներն արժարժում էին լեզվի, զրգանքության, պատմության և աղբյուրագիտության հարցերի: Ազգիներանի գիտական նստաշրջանին ընթրոշ էին մտքերի անկաշխանդ փոխանակությունն ու ակտիվ բնեւորվումը, որին մասնակցեցին նաև

պատմական գիտությունների դոկտորներ Ն. Հ. Հովհաննիսյանը, Ե. Ղ. Մարգարյանը, Ա. Ն. Տեր-Անտոնյանը, Ե. Խ. Մեռյանը, բանասիրական գիտությունների թեկնածուներ Մ. Հ. Փաշալը, Գ. Մ. Մուրադյանը և ուրիշներ:

ՆՈՒՐԱՐ ԶԱՐԲՈՒՆ
ԱՆՔՍԱՆ ՀԱՎՈՐԱՆ

ՀԱՅԱՍՏԱՆԻ ԵՎ ՎՐԱՍՏԱՆԻ ԱՐՎԵՍՏԻ ՊՐՈԲԼԵՄՆԵՐԻՆ ՆՎԻՐՎԱԾ ՆԵՐԿՐՈՐԴ ՄԻՋՀԱՆՐԱՊԵՏԱԿԱՆ ԿՈՆՖԵՐԱՆՍԸ

Հունիսի 3—6-ը տեղի ունեցավ Հայաստանի և Վրաստանի արվեստի պրոբլեմներին նվիր-ված երկրորդ միջհանրապետական կոնֆերանսը: Այն կազմակերպել էին ՀՍՍՀ ԳԱ արվեստի ինստիտուտը, Վրացական ՍՍՀ ԳԱ Գ. Զուբի-նաշվիլու անվան արվեստի պատմության ինս-տիտուտը և Հայաստանի ազգագրության պե-տական թանգարանը: Կոնֆերանսը, որի աշխա-տանքներին մասնակցում էին երկու եղբայրա-կան հանրապետությունների շուրջ 50 գիտնա-կաններ, բացեց ՀՍՍՀ ԳԱ արվեստի ինստի-տուտի դիրեկտոր, ակադեմիայի թղթակից ան-դամ Ռ. Զարյանը: Նա նշեց, որ հայ և վրաց ժողովուրդների մշակութային կապերի պատ-մության տարեգրությունը լի է երկու ժողո-վուրդների բարեկամությունը վկայող շաղմա-թիվ էջերով: Մեր արվեստագետների համագոր-ծակությունը նպաստում է երկու մերձեցման ու հետագա զարգացմանը: Վերջում Ռ. Զարյանը հույս հայտնեց, որ կոնֆերանսը կնպաստի հայ և վրաց արվեստագիտության վերելքին, այն կհարստացնի նոր փաստական տվյալներով, ճշտումներով ու ընդհանրացումներով:

Առաջին պլենարի նիստում, սրբ տեղի ունե-ցավ Հայաստանի արվեստի աշխատողների տանը, հանդես եկան հայ և վրաց մի խումբ արվեստագետներ, իրենց ղեկուցումներում քննե-լով երկու ժողովուրդների արվեստի մի շարք խնդիրներ: Հատկապես մեծ հետաքրքրություն առաջացրին արվեստագիտության դոկտոր Ք. Մալաբեյու (Քրիլիսի) և Լ. Բաբայանի (Նուրան) ղեկուցումները:

Ք. Մալաբեյու ղեկուցումը նվիրված էր վաղ քրիստոնեական ժամանակաշրջանի վրացական հուշարձաններին, մասնավորապես Սվանեթիում պահպանված բրոնզաձուլք բուրվատների քննու-թյանը: Լ. Բաբայանը խոսեց հայ ազգային ճարտարապետության զարգացման ասպարե-զում Ա. Թամանյանի և Ռ. Իսրայելյանի ներ-

դրած մեծ ավանդի մասին և ծանրացավ հայ ճարտարապետության այդ խաղոր երախտավոր-ների ստեղծագործության ոճի ու սկզբունքների վրա:

Այնուհետև կոնֆերանսի աշխատանքները շա-րունակվեցին ըստ թեմատիկ մասնաճյուղերի՝ հին ու միջնադարյան արվեստի և նոր սովե-տական շրջանի արվեստի, որոնք ունեցան 7 նիստ:

Հին ու միջնադարյան արվեստի մասնաճյու-ղում կարգադրված ղեկուցումների թվումն էին ճարտարապետության թեկնածուներ Մ. Հա-րաբյանի ու Ս. Մեռցովյանի, արվեստագի-տության դոկտոր Ա. Վալսկայայի (Քրիլիսի) և Լ. Զուգասվանի (Նուրան) ղեկուցումները:

Քաղնի ամրոցի ճարտարապետությանը նվիրված ղեկուցման մեջ Ս. Հասրաբյանը փաստական հարուստ հենքի վրա հանգեց այն եզրակացության, որ այդ ամրոցի ճարտարա-պետությունը փաստորեն ներկայացնում է միջ-նադարյան հայ ամրոցաշինության բոլոր հիմ-նական փուլերը: Իր ղեկուցման մեջ Ս. Մեռ-ցականյանը նկատեց, որ Հայաստանի և Վրաս-տանի միջնադարյան մշակույթների ուսումնա-սիրությունն ի հայտ է բերում ստեղծագործա-կան որոշակի ընդհանրություններ, ինչպես նաև տարբերիչ առանձնահատկություններ, որոնք ընթրոշ են նաև մեմորիալ հուշարձաններին: Ա. Վոլսկայան Դավիթ Գարեջիի ժայռափոր եկեղեցիների որմնակարների քննությանը նվիրված ղեկուցման մեջ ցույց տվեց, որ հիշյալ որմնակարների հիման վրա հնարավոր է լու-ծել միջնադարյան քրիստոնեական արվեստի հետ կապված մի շարք կարևոր հարցեր: «Թարգմանյաց ավետարանի թեմատիկ լու-սանցազարդերը՝ ղեկուցման մեջ Լ. Զու-գասվանը նշեց, որ դրանք արվեստագիտական մեծ արժեք ներկայացնելուց բացի հնարավո-րություն են տալիս տեսնելու XII—XIII դարե-րը և անցյալի ավանդների միասնությունը:

Նոր ու սովետական շրջանի արվեստի մասնա-
ճյուղում ևս կարգացվեցին մի շարք ուշագրավ
զեկուցումներ: Դրանցից էին արվեստագիտու-
թյան թեկնածու Մ. Տեր-Սիմոնյանի (Երևան),
Ն. Ասաբեկյանի (Թբիլիսի), Ա. Ստեփանյանի
(Երևան), Դ. Լեքեճիանի (Թբիլիսի) զեկուցում-
ները:

«Վրացական թեման Արմեն Տիգրանյանի
ստեղծագործությունում» զեկուցման մեջ Մ. Տեր-
Սիմոնյանը համոզիչ փաստերով ցույց տվեց,
որ հայ մեծանուն կոմպոզիտորն իր ստեղծա-
գործություններում բազմիցս անդրադարձել է
վրացական թեմային: Նա կարողացել է արտա-
հայտել դարեր շարունակ կողք-կողքի ապրող
երկու ժողովուրդների բարեկամությունը և մար-
մընավորել հայ ու վրաց երաժշտական մշա-
կույթների օրգանական կապը: Ն. Ասաբեկյան,
խոսելով Սովետական Վրաստանի քաղաքների
առաջին գլխավոր պլանների մասին, նշեց, որ
Վրաստանում սովետական իշխանության հաս-
տատումը, դառնալով վրաց ժողովրդի քաղաքա-
կան, սոցիալ-տնտեսական և մշակութային կյան-
քի սկիզբ, վճռական դեր խաղաց նաև քաղա-
քաշինության զարգացման գործում: Այդ պլան-
ների ընդհանուր բնորոշ գիծը, նկատեց նա,
գրանց սոցիալական նպատակամղվածությունն
է: Նկարիչ Վանո Խոջաբեկյանի ստեղծագոր-
ծության քննությանը նվիրված զեկուցման մեջ
Դ. Լեքեճիանն նշեց այն զգալի դերը, որ խա-
ղացել է հայ նկարիչը Թբիլիսիի տեղական

կենցաղային ժանրի զարգացման գործում:
1930—1930-ական թվականներին: Արևելքի ժո-
ղովուրդների մշակութային ժառանգության մեջ,
շեշտեց Ա. Ստեփանյանը, հատուկ արժեք ունեն
պատմագեղարվեստական բնույթի փաստերը:
Դրանցից են նաև արքայազն Ալեքսանդրի՝
Պարսկաստանում ստեղծված երեք դիմանկար-
ները, որոնցից մեկի հեղինակը հայ նկարիչ
Ծալի Զանշուղալյանն է:

Կոնֆերանսի երկրորդ պլենար նիստում, որը
տեղի ունեցավ Հայաստանի ազգագրության
պետական թանգարանում (Սարգարապատ),
հանդես եկան ճարտարապետության դոկտոր
Ա. Թադմաճյանը (Երևան), արվեստագիտու-
թյան դոկտոր Գ. Ալեքսանյանը (Թբիլիսի)
և արվեստագիտության թեկնածու Ն. Դիմիտրի-
դի (Թբիլիսի), որոնք լուսաբանեցին հայ
և վրաց արվեստագիտության համար զգալի
հետաքրքրություն ներկայացնող մի շարք հար-
ցեր: Չափազանց շահեկան այս կոնֆերանսի
արդյունքներն ամփոփեց Հայաստանի ազգա-
գրության պետական թանգարանի դիրեկտոր,
պատմական գիտությունների թեկնածու Լ. Բա-
սեղյանը, որը նշեց նման գիտաժողովների մեծ
դերը հայ և վրաց արվեստի ուսումնասիրության
գործում: Կոնֆերանսի մասնակիցները եղան
Հայաստանի մի շարք պատմական հուշարձան-
ներում:

ԱՐԱՍՏԵՍ ՇԱՆՇՈՒԳՅԱՆ